

Skupština Kantona Sarajevo
Admela Hodžić, samostalna zastupnica u Skupštini Kantona Sarajevo
Sarajevo, 23.05.2025. godine
Bosna i Hercegovina
Federacija Bosne i Hercegovine Kanton Sarajevo
Skupština Kantona Sarajevo N/r predsjedavajućeg
Vlada Kantona Sarajevo N/r premijera
Ministarstvo saobraćaja Kantona Sarajevo

ZASTUPNIČKA INICIJATIVA

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) podnosim inicijativu Ministarstvu saobraćaja Kantona Sarajevo i KJKP “GRAS” Sarajevo da hitno poduzmu sve potrebne mjere i radnje kako bi se autobusi i minibusi sa linija javnog gradskog prijevoza na području gradskih općina, za koje su u proteklom periodu nabavljena nova vozila, tramvaji i trolejbusi, preraspodelili na linije javnog prijevoza na području općine Hadžići i druge rubne općine u Kantonu Sarajevo gdje je to potrebno.

OBRAZLOŽENJE

Naime, zbog pritužbi građana da zbog učestalih kvarova na dotrajalim vozilima, autobusima i minibusima, na linijama javnog gradskog prijevoza KJKP “GRAS” Sarajevo na području općine Hadžići, gdje dolazi do ispuštanja linija zbog nedostajućih zamjenskih vozila, ovom inicijativom tražim da se uradi svojevrsna analiza na linijama gradskih općina gdje su nabavljeni novi tramvaji i trolejbusi, a samim time i poboljšana usluga KJKP “GRAS” Sarajevo javnim gradskim prijevozom građanima.

Građani u pojedinim gradskim općinama bukvalno svaki minut imaju na raspolaganju više vrsta vozila javnog prijevoza, dok sa druge strane građani rubnih općina, a samim

time i Hadžića čekaju po sat ili dva a nekada i duže na sljedeći autobus, kada jedno vozilo ostane u kvaru.

Svi smo očekivali okončanje procedura javnih nabavki za potrebna nedostajuća vozila ali s obzirom na to da je tender oboren i procedura kreće iznova, koja bi mogla opet trajati mjesecima, moramo tražiti alternativna rješenja kako građani ne bi ispaštali zbog osnovanih ili neosnovanih žalbi na svaki tender kojim Ministarstvo sabraća Kanton Sarajevo i KJKP "GRAS" Sarajevo pokušavaju riješiti problem nedostatka vozila javnog gradskog prijevoza u Kantonu Sarajevo.

Smatram sasvim opravdanom ovu inicijativu i tražim od nadležnih da što prije pristupe njenoj realizaciji, te da u narednom periodu prezentuju mapu sa egzaktnim podacima pokrivenosti linija vozilima KJKP "GRAS" Sarajevo javnim gradskim prijevozom i drugim prijevoznicima sa brojem vozila, brojem linija, vremenskim pokazateljima koliko u prosjeku na svakoj općini u KS građani čekaju na sljedeći autobus, tramvaj, trolejbus ili neku drugu vrstu gradskog prijevoza i to objave na web stranici.

Molim nadležne da što prije razmotre ovu inicijativu, kao moguće trajno rješenje sa tačnim podacima kako bi se moglo efikasnije upravljati vozilima javnog gradskog prijevoza i jednostavnije vršiti eventualne preraspodjele vozila tamo gdje je potrebno u KJKP "GRAS" Sarajevo na teritoriji Kantona Sarajevo.

Inicijativa je predložena kao moguće trajno rješenje uz prethodne konsultacije sa resornim ministrom.

S poštovanjem

Admela Hodžić